

Question 1: You save talem long ol listeners blong yumi wanem stret now Reserve Bank I tingting blong mekem?

Guided Answer:

Reserve Bank I wantem announcem long public se bambae hem hostem wan **Economic Symposium** long Port Vila.

Economic Symposium hemi meanim nomo se Resev Bank hemi wantem yumi kam tuketa mo yumi storian olsem long fasin blong nakamal o meeting.

Hemia from Resev Bank i look se hemi impoten blong karem ol tingtin blong yumi man-Vanuatu blong helpem hem long ol tingting bifo hemi mekem wok blong hem. Samtaem oli usum toktok ia consalteisen, we I meanim nomo se, Resev Bank I wantem faenem wanem stret nao tingting blong yumi ol man Vanuatu. So yumi save talem se Symposium ia hemi blon consalt wetem yumi blong helpem Resev Bank wetem polisi we I stret long yumi manples.

Tingting we Economic Symposium bambae hemi tokbaot hemi long wanem yumi talem **Financial Inclusion**.

Toktok ia **Financial Inclusion** I minim wanem nao lukluk blong man Vanuatu mo ol smolmol bisnis blong ol manples long ol service we ol faenansel institusen – olsem ol komesel bank – istap kivimaot.

Ol seveses ia hemi ol samting olsem deposit, lon, sendem mani, mo insurens.

Ol seveses ia yumi kat infomesen long hem long ol faenasel institusen istap, be yumi wantem faenemaot stret nao tingting blong man Vanuatu mo bisnis blong ol manples.

Yumi wantem harem stret long Symposium, tingting blong ol man Vanuatu mo smolmol bisnis long wanem akses oli kat long ol seveses ia mo how nao oli usum ol seveses ia.

Taem yumi tokabaot ol man ples yumi stap minim ol man, ol woman, ol youth, olgeta we I handicap, olgeta we istap long low inkam, olgeta we I stap long taon or village, mo olgeta we I stap long diferen sekta blong ekonomi.

Taem yumi tokabaot ol smolmol bisnis yumi stap minim ol infomol bisnis o maekro bisnis, smol bisnis, ol mediam-saes bisnis, olgeta we istap long taon or

province, ol bisnis long ol difren sekta long ekonomi olsem – akrikja, seveses mo industri–mo ol problem oli fesem mo trening we oli stap karem long bisnis.

Risev Bank I mekem 2 survey finis blong faenemaot ol tingting blong olgeta mo I stap singaotem **Symposium** ia blong putum tuketa ol polisi blong hem long **Financial Inclusion**

Question 2: *Wanem nao mein tim blong Ekonomik Symposium ia?*

Guided Answer: Mein tim blong symposium ia hemi “Enhancing Financial Inclusion for a More Equitable, Inclusive and Sustainable Economic Development” Stamba tingting blong forom hemi blong konsalt wetem ol stekholdas long ol problem we ol man Vanuatu mo ol smolsmol business oli fasem taem oli wantem karem wan lon o sevem mane long ol fomal faenansel seves provida. Nara tingting hemi blong tokabaot involmen blong ol woman mo yut long faenansel akses mo bisnis long Vanuatu. Forom bae I helpem Risev Bank long ol tingting blong olsem wanem blong I developem ol polisi blong helpem ol smolsmol bisnis mo ol man Vanuatu blong aksesem faenans.

Question 3: *Wea ples nao Reserve Bank I tingting blong holem Symposium ia mo long wanem deit?*

Guided Answer: Economic Symposium ia bae I tekem ples long namba 17 May 2017, long Warwick Le Lagoon Hotel long Port Vila. Hemi wan dei forom we bae I start long 8:00am long morning mo bae I finis long 5.30pm long afternoon.

Question 4: *Yu save explainem smol long ol listener blong yumi about program blong dei ya?*

Guided Answer: Bae program hemi start long morning wetem ol ofisol toktok afta long opening prea we wan representative blong VCC bae hemi announcem. Welkam mo opening toktok bae I kam long Gavana blong Risev Bank folem wetem wan role plei we ol staff blo Risev Bank bae putumaot blong soemaot journey or rod we yumi stap travel long hem long saed blong faenansiel inklusen.

Bigfala toktok blong dei ya (keynote address) bae honorable Praem Minista nao bae hemi deliverem. Then bae I gat foto sesen, afta ol panel session i tekem ples afta long morning brek.

Bae I gat 3 mein session long taem ya we oli diskasem ol issue we tufala sevei I bin faenemaot mo tu ol way fowod long hao blong adresem ol isiu ya.

Long dei ya tu bae yumi witesem launching blong tufala mein report blong sevei we Risev Bank hemi bin kondaktem long las yia mo bae Diputi Praem Minista mo minister blong Tred, Commerce mo Indastri nao bae hemi ofisiala launchem tufala buk ya.

Minista blong faenans bae hemi hostem klosing function blong symposium ya long evening.

Question 5: Symposium ya bae hemi open long pablik blong save kam listen o I gat sam man nomo oli allow blong kam patisipet long event ya?

Guided Answer: Ol paticipant we Risev Bank I invaetem olgeta blong kam sherem tingting long taem ia bae I gat, ol bigman mo woman we oli wok long ol difren ministry mo department blong gavman, olgeta long praevet sekta, olgeta dona patnas blong yumi, mo ol nara stekholda olsem ol representetiv blong provins, ol faenansiel seveses provaedas, insurens kampanis, ol ona blong smolsmol bisnis, mo ol representetiv blong ol woman mo ol yut.

Risev Bank hemi jusum olgeta participants ya blong kam part long event ya from olgeta nao bae oli sherem tingting blong olgeta long saed blong ol polisi we bae Gavman mo Risev Bank isave wok tugeta long hem blong adresem ol isius we ol pipol mo ol bisnis oli stap fasem long saed blong akses mo usej blong ol difren faenansiel prodak mo seves we ol faenansiel institusen istap putumaot, mo hao nao yumi save protektem ol user blong ol prodak mo seves ya.